

# ЛҰИМА СЭРИПОС

20 июля  
2017 года  
№14  
(1152)

Общественно-  
политическая газета  
Ханты-Мансийского  
автономного  
округа-Югры

[www.khanty-yasang.ru](http://www.khanty-yasang.ru)

E-mail: [gazeta@khanty-yasang.ru](mailto:gazeta@khanty-yasang.ru)

Основана 11 февраля 1989 года



С. Ромбандеева барум хури

Ты хуриг каснэ махум пбелым блбгыт. Ты ытпос бвыи хоталанэнт  
Нефтеюганский районг соссаң хонпат акван-агхатыгласың,  
маньхәпыл товим кассыт. Ляпат Сузырҗа павыл маньңи нә Альбина  
Даниловна Мони́на ұны. Ты касыт урыт 8-9 лопсыт ловиньтән.

Ты  
номерт  
ЛОВИНЬТӘН:

Восыңтүрт  
маньхәпыл  
касункв  
патәгыт

2

Сәв  
няврамың  
щәмья

7

Соссаң  
махум  
маньхәпыл  
кассыт

8-9

Маньлат  
нәкве  
янытлылүв

10

Ұсувт соссаң  
павыл  
унттувес

16



## ЛЯХХАЛЫТ

# Восыңтүрт мәнхәпыл касуңкв патэгыт

**В**өртур этпос 6 хөталэт Хальүс район Восыңтүрт павылт каснэ вәрмалы ёмты. Тув ёхтын махум халанылт мәнхәпыл касуңкв патэгыт. Ты урыл манава Алексей Ефимович Шесталов потыртас.

Ты мәнщи хум ань «Югра лылыёп» общественный организация рупиты. Тав ты каснэ вәрмалы вәруңкв вуйхатас. Тав тох лавыс:

— Вөртур этпос 9 хөталэт ма янытыл яныг ялпың хөталыг олы — мән мирыт ос мощаг хультум махум янытлан хөтал. Ты хөтал кастыл мәнщи махманув олнэ ёрт ты касыл вәруңкв номылматсүв.

Ам матах тал Восыңтүрт павыл кұшаиг рупитасум. Тот рупитамум порат мән ты касыл акваг вәрыгласлүв.

Павлув ляпат яныг түркапай олы, лававе — рыбопитомник «Озеро Ванзетурский сор». Тот ты махманув касэгыт.

Ань ты тал тах ос тот махманув акваг атхатэгыт. Хальүст олнэ хөтпав Любовь Васильевна Кашлатова анумен акваг лавыглас, касылув манрыг лавилүв — «гребля на обласах». Ты элы мат олнэ Ас махманув тан тох потыртэгыт. Ос мәнщи махманув ты хәп «мәнхәпыг» лавияныл манос руш щирыл «калданка».

Таймагыс мән касылув ань мот щирыл намаяс-



Сосаң махум хәлт А.Е. Шесталов котилыт люли.

лүв — соревнования по гребле на калданках «Мәнхәп». Хальүсрайонт олнэ сосаң махманув пуссын ты касылн ёхталаңкв вөвиянүв. Хотьют мәнхәпыл товуңкв касаци, Восыңтүрт ёхталән, касән.

Соль, ань сав мәнщи хөтпанув тув та атха-

тэгыт. Эрың нән халынт хотьютын тув ялуңкв касаци, ялән. Матыр титыглахтын латың оныщегын те, Алексей Ефимович Шесталовн свонитән. Тав телефон номере ты — **8(3467) 33-22-29.**

**Валентина  
ВАСИЛЬЕВА**

## «Суеват павыл» музей урыл

**Ю**горск үс ляпат вөрың мат «Суеват павыл» намба музей олы. Тав мәнщи хум хөтпатн үнттувес — Куриковитн. Касың тую «Уринэква хөтал» янытлан магыс сав мир тув атхатыглары. Мот мирыт ялпың хөталаныл тот ос мүйлуңкв патсаныл.

«Суеват павыл» үнлым я овты, наме Эсс. Тув нэ матэ ляпат сака ялпың хөтпатн, агитн ялуңкв



шар ат рөви, яныл вит виңкв ат рөви. Та ёрт олнэ мәнщи махманув магыс ты нас ма хунь, сака яныг ялпың оныщи.

Ос ты этпост тамле ляххал округ мирколыл ёхтыс. Округ кұшаюв Наталья Комарова лавыс, «Суеват павыл» музейт сосаң павыл вос үнттаве. Тав таймагыс тув үнттаве, ань тот емас лёңх вәрвес. Екатеринбург үсныл мән округуан ань Югорск ос Советский үсыг тара минуңкв рөви, ты лёңх лававе — «северный коридор».

Кұшаит ань ты лавегыт, мән округуан мот мәныл савыңпалэ махум ты лёңхыл йиңкв патэгыт. Таймагыс «Суеват павыл» музей ань ёмашакв үнттуңкв ос сосаң мир

павыл хурипаг вәруңкв эри. Тан тох номсэгыт, та ма ёмашакв те щёпита-ве, аква тал сыс 50 сөтыра савиттем турист хөтпав тув ёхталаңкв патэгыт. Ос туристыт хунь ёхталэгыт, тан сав олн хультуптэгыт. Тох музейт рупитан махум танти олн сәлуңкв патэгыт.

Ос ань ты номт тэлаг вос ёмты, 2 млрд солкөви хөт хонтуңкв эри. Округ бюджетныл тысавит олн ат миве.

Ты павыл хунь үнттаве, тот савсыр ялпың хөталыт вәруңкв рөви. Махум тот мүйлуңкв патэгыт, үшдахтэгыт. Ос та сыс сосаң мир олупса ёмашакв тах ваңкв патыяныл.

**Валентина  
ХОЗУМОВА**

## ЛЯХХАЛЫТ

# Ман вѳранувт мощща нѳй тѳг

**Ты ѳтпост Евгений Платонов, мѳ-  
вит ѳргалан департаментыт кѳщай  
вѳнын хум, ос Антон Квитко, округ  
МЧС кѳщай вѳнын хум, лѳххал тотнѳ  
колн ѳхталасѳг. Анѳ округув нѳй тѳнѳ  
вѳрмалѳ щирыл маныр рѳпатѳ вѳраве,  
вѳрт хѳт нѳй тѳг, ты урыл потыртасѳг.**

## Мѳв хумус уральтаве

Анѳ округувт нѳй харыгтым рѳпитан хѳтпат хумус рѳпитѳгыт, ты урыл Евгений Платонов потыртас. Тав лѳвыс, тѳн пуссын тѳксарыт. Тѳнки рѳпатаныл ѳмщакв вѳганыл. Тѳлы сус акваг ханищтапыл щѳпитѳлавет. Туи пора ѳхты, нѳй харыгтан хѳтпат мѳ янытыл уральтым тѳн акваг яласѳгыт.

Тѳн хусах мѳнѳ товлыңхѳп контракт щирыл кѳсың тѳл вуйлѳгыт. Тѳнки ос вѳт нупыл китах вертолѳт ѳнѳщѳгыт. Товлыңхѳпыл тыламлым мѳ акваг уральтыяныл. Хѳт нѳй тѳг, та мѳ тѳрапаттыяныл, тув тѳра мѳхум нѳй харыгтанѳкве кѳтавет.

2010, 2011, 2012 тѳлытт шар сѳв вѳр нѳйн ѳсвес. Тѳнт сака рѳгың ѳлыс, нѳй харыгтан мѳгыс МЧС рѳпитан хѳтпат тѳнт сѳв ѳр пинсыт. Анѳ МЧС мѳхум ѳмашакв рѳпитанѳныл мѳгыс матыр-ѳти пуссын ѳлы. Ты тѳл вѳрт нѳй шар нѳмхѳт нѳх ат пѳламлѳлыс. Анѳ вѳтихал ракви, ос яныг рѳг ат вѳри.

Ты туи туп ат гектар сѳвиткем вѳр нѳйн ѳсвес. Лов тѳл сус, ты порат шар мощща. 2012 тѳлт атпан нупыл нила сѳвсыр мѳтт нѳй тѳс. Тѳнт налыман нупыл хѳт

сѳтыра гектар вѳр нѳйн тайвес.

Округувт рѳпитан нѳй харыгтан хѳтпанув ѳлы мѳн нѳй харыгтанѳкве ѳс ялантѳгыт. Мѳлты тѳл Ямало-Ненецкый округн ос Забайкальскый крайн нѳтуңкве кѳтыглавѳсыт.

Ты ѳйттур ѳтпос хѳтыт хѳталѳт Няганѳ ѳст округ янытыл тѳн мѳгсыланыл касыл щѳпитѳлвес. Щар кѳркем ос тѳксар хѳтпат мѳйлупсал майвѳсыт. Тувыл тѳн ѳлалѳ ѳс Россия касылн тах минѳгыт. Тамле касылыт кѳсың тѳл щѳпитѳлавет. Мѳлты тѳл мѳн округувныл ѳлнѳ нѳй харыгтан хум Россия касылт китыт места вис.

## Вѳр ѳл-яктаве

Округ кѳщай Наталья Комарова хѳлтнѳ лѳтѳе щирыл, анѳ яныгсѳт арыгтем пѳвлыт ляпат вѳр ѳл-яктувес. Та мѳт кѳсың тѳл ѳйвыл, порсыл хот-сыстамтавет. Ос тамле вѳрмалѳ ѳлы. Пѳвлыт пѳхыт вѳр ѳл-сѳграве, ос тот мѳхум тѳра матыр ѳнттуңкве кусѳгыт. Тѳва хѳтпат тот сѳпри вѳрѳгыт, хотты хѳтпа кол тот ѳнтты. Тѳва мѳт мѳхум порс вит сѳсантаңкве тув ѳвылтахтѳгыт. Таимѳгыс тамле мѳт акваг уральтым ѳнѳщавет, мѳхум тот нѳматыр ул вос вѳрѳгыт.

Тувыл пѳрмат ос ѳщлахтын мѳгыс ѳнт-

тым колыт пѳхыт ловманкем метра пѳнхвит вѳр тѳра ѳл-яктуңкве ѳри. Нѳй тот ке пѳламлы, тав тѳра колыт нупыл мины. Вѳрт нѳй тѳнѳ вѳрмалѳ ул вос ѳмтыс, МЧС рѳпитан мѳхум ѳщлахтын мѳт хѳлтыглан хурит тагѳтѳгыт. Тув ѳхталан хѳтпатн ѳргалахтын урыл потыртѳгыт.

## Нѳй харыгтан мѳхум урыл

Тувыл ос МЧС кѳщай вѳнын хум Антон Квитко округувт нѳй харыгтан вѳрмалѳ урыл потыртас. Тав лѳвыс, ты хѳтпат вѳр ляпат ѳнлылн пѳвлыт ѳмщакв уральтым ѳнѳщияныл. Тот ѳлнѳ мѳхумн тамле лѳтың лѳвѳгыт, тѳн вѳрт ѳраш харыгтѳтѳл ул вос хульгуптыяныл, хохса-лѳмт мори ул вос пѳхвтѳгыт. Ос мѳт вѳрмалѳ урыл потыртѳгыт.

Тѳва хѳтпат харамат тѳсам пум нѳхпѳламтѳгыт. Сѳвыңпѳлѳ ты хосыт яныг нѳй та ѳмты. Ты тѳл тамле ѳвыл вѳрум нѳлоловхуйплов хѳтпат штрафыл пинвѳсыт. ѳлы мѳтт ѳнлылн пѳвлыт кѳщай хѳтпат ты урыл ѳс лѳввѳсыт.

Тот матыр нѳй ке пѳламлы, тѳн тѳра МЧС хѳтпатн вос свѳнитѳгыт. Тѳн ты вѳрмалѳ ѳс акваг уральтыяныл. Сѳв щѳс тамле вѳрмалѳ ѳлыглас, пѳвыл пѳхат вѳрт нѳй пѳламлы, пѳвыл нупыл мины, колыт ѳсавет, тѳва хѳтпат ты хосыт порсысыт. Таимѳгыс ты вѳрмалѳ анѳ ѳмщакв уральтым ѳнѳщаве.

## Нѳврамыт ханищтавет

Тувыл ос анѳ туи порат нѳврамыт ѳщлахтын мѳн тотыглавет. Округувт сѳв ѳщлахтын мѳт вѳр ляпат ѳлѳгыт. Нѳй харыгтан хѳтпат тѳн ѳтаныл потрамаңкве ѳс ялантѳгыт. ѳщлахтын мѳт мувлахи вѳр хот-сѳгрияныл. Уральтѳгыт, ляпат вит вос ѳлыс. Нѳврамыт пуссын хѳлтнѳ нѳпакытыл мивет.

ѳщлахтын мѳ ляпат нѳй пѳламлас ке, маныр вѳруңкве, тот ѳмщакв хансым ѳлы. Ты коныпал нѳврамыт мѳгсыл нѳй тѳнѳ урыл воспитатель хѳтпат сѳвсыр касылыт ос ѳнгилыт щѳпитѳлѳгыт. Тамле нак ке ѳмты, ѳвыл щѳс хѳтпан хумус нѳтуңкве, манарыл пусмалтаңкве, нѳврамыт вос хѳссыт, тот ты вѳрмалин ханищтавет. Ты тѳл нѳматыр лѳль ат ѳмталас.

Тыи ос мѳт тѳлат урыл кѳщай хумыг щѳскем потрамасѳг. Юи-ѳвылт Евгений Платонов ос ты урыл лѳвыс. ѳйттур ѳтпос атхуйплов щислат Ханты-Мансийск ѳст вѳр сыстамтан хѳтал щѳпитѳлвес. Тув ѳст ѳлнѳ мѳхум порсѳтуңкве вѳвыглавѳсыт. Рѳпитан мѳныл ѳстуманыл юипѳлт мѳхум пуссын кашал тыттувѳсыт ос щѳил айтвѳсыт. Мѳхум ѳлпыл лов щѳст «Долина ручѳѳв» мѳт акван-атхатыгласыт. Хотѳют ѳмас вѳрмалѳ вѳруңкве кѳсашас, пуссын ѳхталасыт.

**Николай МЕРОВ**



## Соссаң мирыт янытлан хотал кастыл



Аңирицквөг ййквуңкв хаництаһтэг

**М**отыт этпос 9 хоталэт яныг ялпың хотал ёмты, руц латңыл лававе — Международный день коренных народов мира.

Мән округувт соссаң мирыг маныщи, ханты ос ёрныт лававет. Олнэ мав ос мән намув оньщи. Таимагыс ты ялпың хотал касың тал тыт ос ёмашакв муйлаве, ма янытыл ты хурум мән мирыт вос вавет.

Ань ты ялпың хотал янытлан кастыл кущаянув щёпитахтуңкв та овылтахтасыт. Ты этпос 14 хоталэт Ханты-Мансийск үст «Югра лылыёп» общественный организация колт сапрани олыс. Тув ат-

хатыглам махум потыр-тасыт, округув янытыл ты ялпың хотал хумус янытлаңкв патаве. Павлың ос усьң матт махум магыс маныр пумащ щёпитаве.

Нән олнэ павлынт ты ялпың хотал ос ул вара-ве. Та яныт ёмас варён, хури послэн ос мән потыр-охса хансён. Мән маныщи газетавт потрын тах хансылув, хурит пуссын тув варианув. Махманув нән урынт вос ловиньтэгыт.

**Валентина ВАСИЛЬЕВА**



Юлия Яркина пыгаге ёт

## Үйхул янмалтан

**А**нь округувт янас миннэ тов ащирыл рупитан махум акваг нётмилыл вәруңкве патвёсыт. Хоты хотпат үйхул юн янмалтаңкве кәсашёгыт ке, тән рупатаныл күпнитнувөг вос ёмтыс, тиймагыс овыл порат тән олныл мивет.

Советский район Таёжный павылт руц хум Сергей Александрович Плясунов олы. Тав такви рупататэ урыл анумен тох потыртас. Сергей Александрович 2012 талт мән пәрма такви павлэт үнттыстэ. Самозанятость биржа палыл онтырсәткем сөтыра солкөвил тий магыс майвес. Тонт тав хурум пұрщ, ат сөвыр, ловманкем нә-щицкүрек ёвтыс. Үйхул колэ үнттын магыс пәртыт, кёрсолит ос мот эрнэ утыт ёвтыс. Тувыл олнанэ та холасыт.

Мощ олыс, нә-щицкүрекут мұнит тотуңкве патсыт, сөвранэ савмысыт. Таквсы кит пұрщаге нёвлиг вәрсаге, акватэ хульгуптастэ. Нёвыль ос мұнит махумн тыналаңкве патыс, мощ олн сәлыс. Ётылнув хульгуптам пұрще нилахуйплов мән пұрщ тотыс. Тувыл мотыт тал тав китхуйплов пұрщ оныщукве патыс. Ләщал-ләщал үйхуланэ та савмысыт.

Үйхуланэ тыттын магыс тәп павылт ёвтыглас. Тувыл Курган ос Челябинск үсыгныл тәп тотыглаңкве патыс. Ос таккётэ рупитанэтэ тавён сака тәрвитың олыс, олныл ат төвлувес. Таимагыс тав мот хотпат ёт акван-юрщхатым рупитаңкве овылтахтас. Яныг машинал ловманкем тонна тәп аквторыг тотыглас. Ат тонна таквинатэн хульгуптас. Мот охсатэ ос махумн

олн магыс тотыглас. Тән лёңх магыс олн тавён майласыт. Тыщир уцта күпнитнувөг ёмтыс. Сака сав олн лёңхын ат холтыс. Комбикорм, матыр-ати эрнэ ут пуссын элыл тотуңкве тынталнувөг олы.

Овлэт нёвыль тыналаңкве мощ тәрвитың олыс. Акваг ёвтхатнэ хотпа кинсуңкве эрыс. Ань тав палтэ нёвыль ёвтнэ махум сав ёхталы. Нёвыль вәри, тара тананылн свониты, товат тәнки ёхталэгыт, тованылт палт ос такви юв тоты. Тав мощчал ат тыналы, аквторыг сав пұрщ нёвыль тыналы. Тованаңкв махум Советский районныл ёхталэгыт. Комбикорм элы мәныл тотыглы, таимагыс нёвыль мощ тыныңнувөг тыналы. Та сыс, махум ёвтэгыт.

Аквматнакт картопка үнттын ма пөхыт овас самыт ләкква-паргалтас. Матыр яныгми манос ати, уральтас. Овыл щёс ойттур этпост овас хотсәгрыстэ, китынтыг ос сүкыр этпост. Тав лавыс, ма ке ощнув, такви мәтэт савсыр тәнуг үйхул магыс янмалтанув.

Тувыл хум лавыс, тыгыл иң савнув пұрщ хульгуптанув. Ос үйхул оцнэ магыс ма ат оныщи. Миркол палыл мәты кос вөвыс, ат майвес. 2013 тал пәсныл та вөви. Тонт павыл кұщаиг Александр Орлов олыс. Мәныл тох аты мистэ.

Ётылнув павыл кұщаиг ос Надежда Симонова

## ЛҲХХАЛЫТ

## хум потре



С.А. Плясунов

ёмтыс. Ты кўшай ма мыг кос, ос янкылмаң ма, ўйхул ошнэ магыс ат артми. Та янкылма сэйил лап-рамантан магыс сав олн эри, тьи магыс олн ат оныщи. Павылт кит леспромхоз арыптаптым олэг. Та ма-тэ такос вовыс. Тув мус емас лёнх пиным олы, най посты, туп вит то-тнэ кёртурыт воруңкве эрэгыт. Ос ты ма ат миве.

Рўпитаңкве касащан хотпа тав павылт рўпата хонты. Сергей Александрович — сака рўпата хум. Такви вэрнэ рўпататэ коньпал, тав пенсият олнэ яныгпала хотпатн акваг нёты. Пўсасыт тўшты, колалат вэри, тэлы порат тўйт хот-выг, пувлынколыт щёпиты, колыт коньпалыл пэртыл лап-ра-тыянэ. Маныр рўпата ликми, тэра тув та вуйхаты.

Колэ пөхэт кит тэпкан оныщи. Тот картопка, матыр-ати ўнтталы. Щёмьян тагыл тэнут тэнки янмалтэгыт. Лэп-кат туп маснут ос эрнэ пормасыт ёвтэгыт, нянь ос саккар.

Таквсыг ёмты, вөрн мины, пил ваты, лэхыс

аты, пэков патты. Хўл алышлан пора ёхты, ос хўл алышлы. Хўл ма-гыс ос хоса мэн ялуңкве эри, ниласаткем вёрыс-та Каменный павыл мус. Павыл ляпат я атим. Ос тув минэгыт, вэганыл, хўлтэл юв ат ёхтэгыт.

Павлын мир магыс туп мирколт, шко-лат, пўльницат, садикыт рўпата олы. Тувыл та, воссыг нэмхот рўпата атим. Махум савыңпалэ вахта щирыл элн рўпи-тэгыт. Юв ўшлахтын хоталыт порат ёхталэгыт. Вина ат айнэ манылат хотпат пуссын мот мэн олўңкве миыгласыт. Ос вина нупыл суснэ хот-пат тай павыл янытыл рўпаттэл ёмыгтым тох та олэгыт.



Павлын махум рўпитэгыт

Сергей Александрович такви урётыл лавыс, тав сартын ос вина аюңкве тўлтхатыгалаыс. Тувыл пойтыс ос такви рўпата-тэ воруңкве овылтахтас. Ань хўрум тэл вина шар ат ай.

Тав рўпататэ урыл тох лавыс: «Хотпа хумус туи рўпиты, та-щир тэлы тэңкве па-ты». Сартын сав хотпа ўйхул ошсыт. Тан ань пуссын яныгпалаг ёмт-сыт, вуньшалыг пат-сыт. Манылат хотпат ос ты вэрмалы щирыл рў-питаңкве ат касащэгыт. Сартын, хунь пёрма ошнэ магыс олн майвес, па-вылт сав хотпа олн висыт. Тэва махум та олнаныл мори холтсаныл. Сергей Александрович маныр ёвтыс, отчёт-нэпаканэ пуссын биржан колн тотсанэ. Тыммагыс тав сака янытлавес.

Павыл котилыт ма олы. Касың тўяг та ма витын амарава. Хум миркол кўшайтныл та ма такви магыслэ вёвыг-ластэ. Тот товлын ўит ошнэ магыс вит вонха хилуңкве ёмталас. Юн ошнэ васыт ос лунтыт янмалтаңкве кусыг-лахтас. Яныг пўсас тот воруңкве номсыс.

Кўшайт лавыс, та янкылма ат мы-ганыл. Тав павыл ко-тилыт олы. Тот лўль атыл пасуңкве паты. Та ма ляпат пупкол тах ўнттаве, павлын мир тув ялантаңкве патэгыт.

Таймагыс маңыл тот ат майвес.

Ань пёс колытт олнэ махум китнакпа ос хў-румнакпа колытын вантлуптавет. Кит-хў-рум тэл ювле хулытум порат сав хотпа Со-ветский павылн пересе-ление щирыл олўңкве миначыт. Павылт сав тарвит вэрмалы олы. Тэ-лы порат павыл лёнхыт тўйтныл морсын порат сыстамтавет. Элыннув олнэ ўсхулыт хосыт яла-саңкве ат артми. Вит ви-нэ кит колонка олы кос, ос ащирман порат тэн лап-появёг. Ты тэлат мўсхалыг щёпитаңкве кос эрэгыт.

Сергей Александр-ович такви рў-пататэ сака эруптытэ. Алпыл квэлы, овлёт ўйхуланэ тыттыянэ, щё-эраны хот-сыстамты. Комбикорм ёвтнэ ма-гыс потыртахты. Ма-шина ёхтынэнтэ мус нётмил вэрнэ хотпат вёви. Хоты махманэ ёт рўпиты, халанылт акваг нётхатэгыт.

Молты тэл тав колэ пөхыт олнэ хум мирколн полщ тотыс. Тав лавыс, пёрматэныл лўль атыл пасы. Лов хотал сус саткем щёс комиссия хотпат уральтахтуңкве ёхталасыт. Ёты-овылт нэматыр лўль тох аты хонтсыт. Тав мощца пўрщ оныщи, лўль атыл сака ат пасы. Ань тав щёрыт эл тотыянэ. Тэва хотпат тэпкананыл ма-гыс щёр вёвёгыт, тув мыганэ. Туи порат мо-лях лэква-тотаве. Тэват палт такви тотыянэ.

Тав ань лавыс, павылт олўңкве рёви. Касың хотпа тамле рўпата вэ-руңкве вёрми, туп вос кэ-сашанув. Тав экватэ ос пёрмат рўпиты. Агитэн ты тэл школа асталас. Тав юн щэнягён-ащэагён ос нёты. Тамле ты емас щё-мья Таёжный павылт олы.

Николай МЕРОВ



# Тән пёс йис вәрмалит элаль тотыяныл ос мирн нётэгыт



Л.В. Кашлатова

**Х**альүс районт «Югра лылыёп» намба общественный организация отделеният сав тал кўцаиг Любовь Васильевна Кашлатова олы. Маныр рўпата тән ань вәрэгыт ос махум хумус нётэгыт, та урыл ам таве китыгласлум.

**Х**анты нэ лавыс, тән соссаң махум пёс йис вәрмалыныл ос щань латңаныл элаль тотнэ магсыл сав рўпата вәрэгыт. Тал сыс акваг савсыр хаништапыт, суссылтапыт, ялпың хоталыт вәрыглэгыт. Хальүс район янытыл яласэгыт, махум ёт хонтхатыглэгыт, тананылн нётэгыт.

Тамле рўпата вәрим тән грант-олн магсыл тәнки нэпаканыл кетыгылыныл. Ты урыл Любовь Васильевна тох лавыс: «Ты тал ывылтахта напорат мән нэпаканув мирн нётнэ департаментын кетыгласанүв. Тот мот организацият халт нөхпатсүв, «Творчество для души»

намба проект магсыл олныл майвесүв.

Ты олныл мән яныгпала соссаң махум магсыл савсыр ялпың хоталыт вәрыглэв. Ягрим павылт мән соссаң махум акваг-атыгласанүв ос ты тэла «Встреча родов» намаяслүв. Тув ёхталам хотпат пуссын хотщэгтыт, тамле хонтхатыглап тананылн сака мўстыс.

Ты юи-палт Пугоры павылн ялсүв, тот «Тылащ пори» вәрыгласүв. Пёс порат ты павылт сав мир олыс. Ос колхозыт вәрим порат, тот өлнэ щемьят мот мән вантлуптавёсыт. Ань кит-хүрум кол туп хулытыс.

**П**авлың хотпат мот мән минуңкве шар ат кәсәгэгыт. Рўпата атим, тән туп хул алышлым өлэгыт. Тамле ялпың хотал мән тот таи магсыл вәрыгласлүв, Пугоры павылт өлнэ щемьят ёмас номтыл элаль вос өлэгыт, ул вос номсэгыт, эрттум тән хот-ёрувлавёсыт. Та павылт мән пуссын акваёт пўрлахтасүв ос касың колн мўйлупса ёт щалтсасүв. Махум магсыл концерт вәрыгласүв, эргысүв ос йиквсүв.

Тэк павылн ос ялсүв, тот павлың мир ёт «Үринэква хотал» вәрыгласүв. Тот өлнэ махум эргуңкве ос йиквуңкве сака хасэгыт, тән палтаныл мән хаништахтуңкве ялантэв. Тән ётаныл мән акваг вайхатыглэв ос акваёт савсыр эрнэ рўпата вәрёв. Тот олум ялпың хоталт мән маткем та эргысүв ос йиквсүв.

**К**асың тал мән Хальүсн «Үринэква хотал» янытлаңкве вөвыглавёв. Ань ты ялпың хотал вәрыглаңкве районный миркол палыл сака мощща олн тастыглаве. Савсыр мўйлупсат, пасаныт щёпитан магсыл мощща олн майлаве.

Ты тал мән организация-нувыл ты вәрмалы магсыл олн майласүв. Хальүст «Үринэква хотал» ўшлахтын хоталт вәрыглаве, тыи магсыл тув акваг сав мир ёхталы. Ойттур эт-

пост мән хул алышлан хотпат янытлэв, вортур этпос 9 щислат соссаң махум акваг-атыглэв ос мән таквс этпос финно-угорский мирыт янытлан хоталыт вәрыглэв. Округув янытлан хоталт соссаң махум ос акваг-атыгылыанүв.

**Р**айонт өлнэ мир тәнки тарвитың вәрмалыныл ёт ос мән палтув ёхталэгыт. Ань пирмайтым саккон щирыл, соссаң махум тәнки нупыланый хансум мананыл магсыл нәлок-олн ат ойтэгыт. Тувыл тән ты олн ойтүңкве лававет. Мән ты урыл депутат-хотпатн, округ миркол кўцаитн пищмат хансыгласүв. Ос ювле латңыл кетвесүв, пёс йис матт өлнэ махум ты олн ат ойтэгыт.

Пугоры, Устрём, Демино павылт өлнэ мир туп хул алышлым ос вораим өлэгыт. Ты хотпат реестр-нэпакн вос хансавет. Мән, яныг павылт өлнэ махум, рўпата оныщев, ты олн ойтүңкве вөрмев, ворт ос мән павылкветт өлнэ махум олн шар ат оныщегыт.

Ты тарвитың вәрмалы урыл мән акваг савсыр кўцаитн пищма хансыглэв. Төва кўцаит лавёгыт, махум тәнки нупыланый мананыл ул вос хансыяныл, ты олн ойтүңкве тах ат патэгыт.

**А**м махманум акваг лавиянум, вораан ос хул алышлан магыс нэпаканыл мўсхал щирыл вос вәрияныл, тонт нэмхотьютн тувыл хотнявлуңкве ат вәрмавет.»

Любовь Васильевна лавыс, ань «Югра лылыёп» Хальүст рўпитан отделение нупыл 137 элумхолас хасхатым өлэгыт. Касың павылт тән организацияныл палыл элумхолас тот рўпиты. Мотыт тал ты организация ват нупыл ат талэ тах товлы, ты кастыл тән ань щёпитахтуңкве ывылтахтасыт.

**Людмила  
ТЕТКИНА**

# Сав нйврамың щёмья

**Т**ўяг ам Советский район Таёжный павылн ялсум. Тот акв сав нйврамың щёмья ёт хонтхатыгласум. Нёг-хумыг намагён Александр Александрович ос Светлана Николаевна Дунаевыг, тён ат нйврам янмалтёг: хўрум аги, кит пыг. Хумус тан олэгыт, нан ты урыл потыр элалъ ловиньтён.

Александр Александрович маныщи хум, тав Таёжный павылт самын патыс. Тот яныгмас, школа асталас. Тав омаатэ Софья Тимофеевна Дунаева Тимкапавылт олы. Сартын йис мананыл танки нупыланыл ат хассаныл. Ань ты мананыл магыс нёпак ат оныщёгыт. Эква тот талэ-тувёт хўл алышлым оланта.

Ань Таёжный павылт нёматыр рўпата атим. Касың талным махум рўпата кинсым эл минылгэгыт. Павыл лашал та татлами. Махум хот матыр рўпата хонтэгыт, тув та олмыгтэгыт.

Йис мананылт Тапсуй я овты. Ты щёмья нйврамың тагыл тув воряяңкве, хўл алышлаңкве, пил ватуңкве ос

лахыс атуңкве ватихал ялантэгыт. Манырворт катын-паттэгыт, таил олэгыт.

Светлана Николаевна экватэ Пионерский павылт самын патыс. Щаняге-ащяге руш хотпаг. Школа астламе юи-палт маныщи хум варыс ос Таёжный павылн вантлыс. Нйвраманён пуссын тот самын патсыт.

Ань ты накт нёг-хумыг Пионерский павылт йильпи кол ёвтсыг. 2011 талт саккон пирмайтавес. Ты вормаль щирыл округувт олнэ сав нйврамың маньлат щёмьят пуссын кол унттын мал миңкве патвёсыт. Тонт ма винэ магыс онтолов арыгтем элумхолас хасхатасыт. Хўрум тал



Светлана Николаевна нйвраманён ёт

сыс туп китхуйплов процент савит хотпа кол унттын мал майвёсыт. Тувыл та, миркол махум олнаныл та холасыт.

2013-2014 талыгт ос китсат арыгтем сав нйврамың щёмьят маломтыл майвёсыт. Ос това ма мус лёнх, вит тотнэ кёртурыт ос мот тэла щёпитаттэл олыс. Кўщаит лавсыт, округ бюджетит тьи магыс сопас олн атим. Акв участок мўсхал щирыл вярнэ магыс акв млн. солкóви холтуңкве эри.

Таимагыс ты вормаль элалъ тотуңкве ат патвес. Хоты хотпат маныл ат майвёсыт, ты пентсыл тан кол ёвтнэ субсидия-олныл миңкве овылтавёсыт. Светлана Николаевна лавыс, тав молты тал ты субсидия магыс хасхатас. Ты тал кол та ёвтвсыг. Ань йильпи колн вантлын щирыл олэгыт.

Нёг-хумыг ат нйврам оныщёг. Яныг агитён Снежана, тав нилыт классын хаништахтуңкве минас. Тав

юи-палёт Кристина, нйврам хўрмит классын патхатас. Тувыл Владимир овыл класс асталас. Алексей ос ты тал овыл классын минны. Пити патта агитён Настя, тав ат талэ товлыс. Ты тал садикын мыгтён.

Сартын Светлана юнсахатнэ нёг рўпитас. Ань нйвраманэ ўргалым юн олы. Рўпата магыс «Центр занятости» колн хасхатым олы. Ты щёмья касың тал нйврамыт магыс ос тёнут-пормас ёвтнэ магыс государства палыл олныл нётаве.

Ам ты маныщи щёмьян щунь-паша латың кётэгу. Нёг-хумыг нйвраманён ёт пустагыл вос олэгыт. Нйврамыт ёмас хотпаг вос яныгмёгыт. Олупсаныл кўпнитыг вос ёмты. Колтагылн туп щагт вос ёхты. Най-Отыранылн вос ўргалавет. Пус кат, пус лагыл сымыңыщ тананылн лавёгу.

**Николай  
МЕРОВ**



Ты ётпост нёлолов хоталёт Таёжный павылт ялпың хотал олыс. Павыл кант махум мўйлуңкве акван-атхатыгласыт



## КАСНЭ ВАРМАЛЬ

# Соссаң махум мәнхәпыл кассыт

**Н**ефтеюганский районт «Кубок Губернатора Югры» нампa мәнхәпыл яласан мирхал касыл ӧлыс. Соссаң махум касың тәл ӧйттур этпос ӧвыл хӧталанѐт Витхон пӱрлѐгыт, таимәгыс ты намың-суиң касыл та порат вәрыглаве. Ты тәл 200 арыг хӧтпа мәнхәпыл кассыт. Округ коньпал махум Тюменский областьныл ӧлсыт, акв хум Исландия элы хӧн мәныл ѐхталас.

**К**асыл ущ ӧвылтах-тамe порат тув «Северный Форум» мирхал ассоциацият рӱпитан хӧтпат ѐхталасыт. Та порат тән Ханты-Мансийск үсн сав мәныл акван-атхатыгласыт — Красноярский крайныл ѐхталасыт, Чукотка, Якутия, Камчатка, Архангельский область, Таймыр ос элы хӧн мәныл — Исландияныл ос Лапландияныл ӧлсыт. Ань рупитанѐныл халт округ кӱщайн каснэ мән вӧвыглавѐсыт. Пуссын тув ты нӕгысыт, тасавит хаштал хӧтпа.

Округ кӱщай нэ Наталья Комарова тох лавыс: «Ятил муй хӧтпат, матъемас нән тыг ѐхтысын, ань мән касылув кәсалылын. Эрыг-мӧйт

ванэ соссаң махманув пѐс йис тагыл мәнхәпыл яласасыт, ань тыхӧтал мус тох ӧлѐгыт, янаныл янытлыяныл, Витхон хӧтал пӱрлѐгыт. Соссаң махум пѐс тагыл я ватат ӧлсыт, хәпыл яласасыт, хул алыщласыт. Мән ань ӧс аквтох Витхон янытлылӱв. Мәк таи, мән номтанув кит яг — Ас ос Иртыш холът, акван вос патѐгыт, ләтѐнанув акван вос ѐхтѐгыт».

Тувыл Наталья Владимировна Финляндияныл ѐхталам хум Мика Риипи нупыл акв-кит ләтың лавыс. Тот Лапландият соссаң махум «саамыт» ӧлѐгыт, та мәт тав пуңктоты. Тән мә янытыл намың-суиңыг ӧлѐгыт — тән мәнанылт Санта Клаус



ӧйка ӧлме лавылтаве. Мән Ханты-Мансийск үсув ос Россия янытыл Новогодний столицаг лававе. Ты хум мән үсувн ѐхталаңкв вӧвыстэ — вәт сәграпнал этпост Ащирма ӧйкат, Санта Клаусыт ос Снегурочкат тыт пуссын акван-атхатѐгыт тах.

**М**ика Риипи тох лавыс: «Нән округын сома мән Лапландияв — алаты аквхурипаг. Хунь ам ханты эрыг хӱнтамласум, номсѐгум, тав шар саамыт эрыг холът суйты, тӧва ләтѐнанув ӧс аквхурипат. Сусѐмт, нән соссаң махманын маснутаныл

Финляндият ӧлнэ саамыт супаныл хурипат. Хурияныл ӧс мән хурипав, мән шар сома акв мир. Ятил соссаң махум, округ кӱщайт, нәнәнн ам яныг пӱмәщипа ләтың лавѐгум. Матъемас ам нән ѐтын вәйхатасум, нән халынт акв-кит хӧтал ӧлѐгум, мӱйлѐгум».

«Северный Форум» рӱпата вәрнэ хӧтпат лавнѐныл щирыл, ты касыл пѐс йис пора ос ань йис пора акван-ӧлтыяге, савсыр мирыт (национальностит) акв нупыл сунсѐгыт, юртыңыщ ӧлѐгыт.



Хум хӧтпат янытлавет.  
Наталья Комарова ос  
Мика Риипи үнлѐг



Валентина Вьюткина



Геннадий Вынгилев





Хум хөтпәт касәгыт



Хальүс районныл ёхталам мәньщи мәхманув

Тамле яныг вәрмалъ порат флаг России нөх-варыглаве. Тынакт флаг «Югра лылыёп» Нижневартовский район общественный организацият пуңкотнэ мәньщи ойка Анатолий Прокопьевич Кауртаев тав нөх-харгыстэ. Тувыл соссаң мәхум пұрлахтасыт ань ты ялпың хөталыг ёмас щирыл вос минәгыт, ты тәл ёмщакв вос олнувув, вөрн мин-нэ хөтпа матыр катын вос патты, хұл алыщ-лаңкв мины, хұл вос пуви, пуссын пұстагыл вос олнувув.

**Т**ы юи-пәлт касыл та ыбылтахтас. 23 командат мәньхәпыл яласыт. Өвлэт пуссын аквёт кассыт — сәр-тын нэ хөтпат товсыт, тувыл хум хөтпат. Акв-торыг ват арыг хөтпа хәпаныл та нёвумтасыт. Тән нупланыл сунсуңкв сака пұмыш ылыс — та-сәвит хәп аквторыг та минәгыт, төваныл ак-ван-пелхатәгыт, каснэ хөтпат такос товёгыт, мәньхәпаныл элалъ ат лаквёгыт. Хотьют кәр-кам, тәкыщ тови, тав та оймалтахты, элалъ мо-лях мины.

Я ватат ос мәхманыл сыманыл щәргим та люляхөләгыт, үрхатә-гыт, наманыл та рөң-хавет, ань молях вос товёгыт. Төва мәньхә-пе ёри ёңхыгпи, такви витн паты, тот та пу-влы. Төва өвлэт татем

ёмщакв мины, тувыл хәпе ләщал-ләщал ви-тын та амараве, та-кос тови, ёл витн та пәтыри. Сәль кос, ос мәнавн сунсуңкве пұ-мыш, сыманув щәр-гим, мовиньтым тот та рөңхев. Вит тармыл спа-сательный моторхәпыт яласасыт, ёри ёңхыгпам хөтпат хәпаныл ёт пәг тотвёсыт.

Касыланыл ты пұмыш ős мак тарвитың охса-тәт нәт халт Нижневар-товский районт олнэ нэ **Ирина Сухих** тав нөх-патыс. Хум хөтпат халт ős та районныл ёхталам хум **Юрий Казамкин** тав сәртын ёхтыгпас.

Тувыл 18 тәлыг иңыт төвлын ағит ос пыгыт кассыт. Тән халанылт Ксения Айваседа (Центр гребли на облаках ХМАО-Югры) ос Евгений Глызин (Когалым үс) нөх-патсыг.

18-25 тәл яныт мәнь-лат мәхум халт — Ели-завета Смирнова (Неф-теюганский район) ос Виталий Рускин (Сур-гутский район).

26-35 тәл яныт нәт ос хумит халт — Наталья Тэвлина (Когалым үс) ос Юрий Казамкин (Ниж-невартовский район).

36-50 тәл яныт нәт халт — Альбина Сопочи-на (Сургутский район).

36-54 тәл яныт хум хөт-пат халт — Борис Тайбин (Тюменский область).

50 тәл ос тыгыл яныг нэ хөтпат халт — Татьяна Айваседа (Когалым үс).

55 тәл ос тыгыл яныг хум хөтпат халт — Сергей Кечимов (Когалым үс).

**Ю**и-ыбыл хөтал ха-ланылт пентха-тым нила хөтпа акв хә-пыл яласасыт, тувыл акв хәпыт аквторыг кит ос хұ-рум хөтпа үнлым кассыт. Хунь нила хөтпа халанылт пентхатәгыт, эри молях товұкве, хөтпа хунь пәг-пұхты, хәпе мотанән алмаяве, матахмат мет-ра мә тармыл хәйттаве, тувыл хәпән та тәлматы, элалъ тови. Ты касылт Сургутский районт олнэ соссаң мәхум нөх-пат-сыг — Альбина Сопочина, Виталий Рускин, Лидия ос Альберт Покачевагыт.

Кит нэг акв хәпыт үн-лым — Ксения Айваседа ос Ирина Сухих сәртын ёхтыгпасыг, хум хөтпат халт ос Юрий Казамкин ос Аркадий Прасин нөх-патсыг. Хұрум хөтпа акв хәпыт үнлым — Ксения, Владимир ос Сергей Айваседа нөх-патсыг.

Тувыл нөх-патум мә-хум янытлавёсыт. Щар мак яныг приз — **«Кубок губернатора Югры» Нижневартовский районныл** ёхталам мәхумн майвес. Китыт мёста **Сургутский районныл** олум хөтпат тән виса-ныл, хұрмит — **Когалым үс**ныл ёхталам мәхум. Ханты-Мансийск үст олнэ соссаң хөтпат туп 17 мёста висыт.

Каснэ мәхум халт щар мәниг олсыг — Ксения Айваседа ос Данил Ним-

перов, ос щар яныгхө-таг — Мария Сенгепова ос Василий Хоров. Тән пуссын округ кұщаин янытлавёсыт, мәг тәп тотапсовыл майвёсыт. Хальүс районныл ёхта-лам мәньщи мәхманув «За волю к победе» нам-па «Кубокыл» майвёсыт, диплом нэпакытыл янытлавёсыт.

Округ янытыл физ-культура ос спорт колт пуңкотнэ хум Игорь Губкин тох лавыс: «Ты кит хөтал мән татем мұйлысұв. Ятил соссаң мәхум, яныг пұмашипа нәнанн лавёгум. Нән мәщтырыг яласасын, кассын, мән ос нән ляль-тын маттем та суссұв».

**Н**ефтеюганский й район кұщай нэ Галина Лапковская мұй мәхумн сәв ёмас латың ős лавыс: «Кәсың тәл ущпылнэг сәв хөтпа ка-суңкв кәсащи, элы хөн мәныл мәхум ős ювыт, соссаң хөтпанув ёт ка-суңкв тұлхатәләгыт. Ам номсәгум, мотын-тыг тыг тах ущпылнэг сәв мир ёхты. Матъё-мас ёхталасын, кассын, мәнавн ős сака пұмыш ылыс. Пуссын пұстагыл олән, сөтыңыщ олән».

Ты пора «Кубок губер-натора Югры» 16-й тәл ты варыглавес. Ань таи тәра-патыс — щар мак ёр мәхум Нижневартов-ский районт олнэныл.

**Светлана РОМБАНДЕЕВА**





## Мāнылат нэкве янытлылұв

**Саранпāвыл пұльницат мāхум анализаныл вивет ос āгманыл тāра тот та паттавет. Та мāt Марина Константиновна Ларионова рұпиты. Мōлты мēн тав ēтэ хōнтхатыгламумēн порат моц потыртасмēн, тав такви урēt тох лāвыс:**

— Ам лабораторный техникыг ты пұльницат 2011 тālныл рұпитэгум. Ты ēлы-пāлт 2009 тāлт Ханты-Мансийский медицинский колледж āстыслум ос Кульпас пāвылт моц рұпитасум. Юн āтям āтимыг ēмтыс, омам таккēt хультыс, ам таимāгыс ювле ēхтысум.

Омагум-āтягум сāлың колт яласасыг. Мāн щēmьявт кит юртың пыгыг ос мēн йигрищамēнтыл яныгмасұв. Апщиягум ос Саранпāвылт олēг, Настя йигрищув Ханты-Мансийскат журналистыг ЮГУТ ханищтахтас ос рұпитаңкве ат патыс. Тав лēккарыг ēлаль ханищтахтұңкве минас.

Ам яныг ұст олұңкве ат кāсашēгум, āнумн мāнь пāвылт, сытам мāt ēмасыг олы. Амки рұпатам ēруптылум. Тōванакт акв хōтал сыс сāv рұпата вā-

рēв, тōванакт моцща. Хāльұсныл лēккарыг ēхталēгыт, мāхум медкомиссия мāгыс тыг уральтахтēгыт ос анализаныл пуссын мāн вāриянұв. Тувыл хоты хōтпа илттыг āгмыңыг ке ēмты, тав кēлпе уральтылұв».

Марина Константиновна такви щēmьятэ урыл ос китыгласлум. Тав ойкатэ мāныщи хум, наме Фēдор Дмитриевич Хозумов. Тēн кит нāврам оныщēг, акватēн сāt тālэ, мōтанēн нила тālэ.

Ань лēккарыг ялпың хōталаныл олум кастыл ос мāнылат мāхум ялпың хōталаныл кастыл ты мāнылат щēmьян хōтпаг янытлыягұв. Сāv сōт, сāv щунь вос оныщēг, пус кāt, пус лāгыл, Тōрумн ос Най-ōтыранēн вос ўргалавет.

**Тамара МЕРОВА**

## Тав ēрнколт

**Римма Михайловна Потпот (такви āги ṽпарищ наме щирыл Тользина) Касум пāвыл нē. Рұпитан мātэ ос Белоярский ўст олы, кāсың хōтал āлпыл тув мāшинал мины, ēтипāлаг ос ювле пāвлēн ēхты.**

Тав такви ханты лātңе ēлаль тотым рұпиты. Рұпататēt пēs мōйтыт, пēs потрыт ēмашакв хансыянэ ос тувыл ловиньтан нē-пакыг вāриянэ. Тўяг тāн рұпитан коланылн ялсум, тот мēн тав ēтэ моц потыртасмēн. Тав яныгмам поратэ урыл тох потыртас:

— Ам омагум-āтягум сāлың колт яласасыг. Мāн сāt нāврам пуссын ēрнколт самын патсұв. Ам пити патта нāврамыг олсум. Ань ты хōтал мус мāн туп хўрум ēмас хультсұв — каңкум Тользин Павел Михайлович, увщим Канева Павла Михайловна ос ам. Мōтананув пуссым āтимыт.

āтяв наме Михаил Дмитриевич Тользин олыс, тав Ямал мā ēрныл Касум пāвылн ēхтыс. Тав āще, ам ṽпам, тох лāввес — Куноват Ай Митри ики, Куноват Мāнь Митри ойка. Тав

хоса нот олыс, яныгсāt арыгтем тāl. Олмēt тит хоса саг оныщис, ам тавē ēмашакв номилум.

Самын патмум порат мāн сāлың колув Катэн кураң ēх я вātат олыс, мāныщи лātңыл ты я тох лāваве — Тēr курың я. Ам ат тālум тōвлум порат, мāн яныг рўтың колтāглыл сāлың суныл Ямал нупыл та нēвумтасұв — омагум-āтягум, яныг каңкув такви щēmьятэ ēт, увщим щēmьятэ ēт ос мāн мāнь нāврамыт. Кāсыңув такви сāлың суныл минас. Ам мāниг олмум мāгыс омам ēт минасум.

Тōнт ты ṽпам ēт ам вāйхатасум. Та палыт мā акв хōтал хунь минасұв. Тув ēхтысұв, ṽпам палт олсұв. ṽпам ṽвыл ēкватэ, мāн щашēк-вав, сārтын āтимыг ēмтыс. Тав мōт нē тогыс. Ман тавē ос сака ēруптаслұв.



С.Д. Рандымов ос Р.М. Потпот



# самын патыс



Р.М. Потпот



Катя агитэҥ саҥкымы



Римма Игорь ойкатэ ҕт

Ювле хунь минмыг-тасуь, тав маҥ сунувн талматас, маҥ ҕтув мощ миҥас. Тувыл лаглыл ювле ёмыс.

Ам таве маҥ ҕтув минуҥкв такос вёвыслум, тав аҥумн ювле ла́выс — ос оҥан хотьютн щайл пайтаве, тав такви ат вёрми. Ётыл оҥав аҥимыг ёмтме юи-палт тав Касум павылн агитэ палт олуҥкв ёхтыс.

Омаҥ ёрн нэг олыс, Омаҥ Анастасия Ивановна Худи. Таҥ колтагланылт пуссын ёрныт кос, ос юн ханты латҥыл потыртасыт, ул таимагыс тох ла́ввёсыт — «хапи», руш латҥыл те «ханты».

Аҥав щирыл ляпа рутанув Ямал мат Приуральский районт салы урим ань яласёгыт, тунра мат олёгыт. Маҥ ос пуссын Касум павылт олёв, ос нявраманув тай ул пуссын яныг усытн олмыгтасыт.

Римма Михайловна ойкатэ щирыл Потпот оҥариш наме олы. Ам

таве ойкатэ урыл ос титыгласлум. Тав ювле потыртас, ойкатэ Игорь национальносте щирыл чукча. Хотал нэглын ёрныл олы, Чукотканыл. Ленинград уст акван-хонтхатсыг, тот А.И. Герцен намба университетт няврам хаништан хотпаг хаништахтасыг. 1986 талт тот Олег яныг пыгён самын патыс.

Университет аста-ламен юи-палт тэн сас Анадырь усн рупитаҥкв тетвёсыг, ты ус Чукотка мат олы. Нила тал тот рупитасыг, Катя агитэҥ тот самын патыс. Тувыл тэн Касум павылн олуҥкв ёхтысыг. Та пас-ныл тот ты олёг.

Ам нэ титыгласлум, Аойкатэ оҥариш наме руш латҥыл толмашлаҥкв те, тьи маныр. Тав ювле ла́выс, Чукотка мат олёнэ махум аҥпыҥ суныл ань тыг мус яласёгыт. Аҥпыт хунь посавет, аҥпыт отыраныл тох роҥхи — «поть, поть». Тамле ты пумащ олы.

Маҥ пыгён Костятэҥ онтолов талэ товлыс, ты маҥ пыгришён ханты латҥыл потыртаҥкв ома-тэн хаништаве. Няврам латыҥ торгамты, матыр ювле ла́вуҥкв вёрми.

Ойкатэҥтыл тэн хосат школат ат рупитэҥ, сас тувыл мот маҥ рупитаҥкв миҥасыг. Ань Римма Михайловна Белоярский фольклорный архивт рупиты, ойкатэ ос тав щёпитан нэпаке маҥсыл савсыр хурит пёслы.

Ань таҥ ханты учёный махманыл халанылт сака воритотёгыт. Савсыр хащтал ийльпи букват номылматсыт, ты букватыл таҥ ханты хотпаныл вос хансёгыт. Ты урыл ам Римма Михайловна ос титыгласлум, тав ювле ла́выс: «Таҥ матыр ийльпи тэла ва-руҥкв овылтахтёгыт, ос маҥавн рупитаҥкв тарвитыҥ. Маҥ пёс

мойтыт атыянуь, нэ-пакытн хансыянуь. Ос манырсыр буквал ань хансуҥкв эри, хотьют ваг. Ийльпи букватыл хансуҥкв ро́ви кос, ос вёрт олёнэ махум, маҥ павлыҥ мир ты букватн хаништаҥкв эрёгыт».

Нэ ань научный рупата ва́рнётэ магыс сака пёс латҥылт тинсы. Туяг Белоярский уст научный конференция олыс, тув салы урнэ махум, вёрт ос маҥ павлыҥ мат олёнэ махум акван-атыглавёсыт. Римма Михайловна ул касыҥ соссаҥ хотпа ҕт потыртас, таҥаныл пуссын титыгласанэ.

Тамле ты ёмас щёмья Касум павылт олы. Тэнатэҥ савсымыҥ латыҥ ла́вёв — пустагыл вос олёг, нявраманэҥ соссаҥ мир пёс йиквыт, эргыт элаль вос тотыяныл. Оманыл ос аҥяныл ургалым вос оныцияныл.

Валентина  
ХОЗУМОВА



# Мир магыс маснут юнтум нэ



**С**ветлана Хозяинова ты тал тал котиль  
Этпос сатыт щислат атпан талэ төвлыс.  
Мән таве ты кастыл янытлылүв. Нэ такви  
өлупсатэ урыл ам мощ китыгласлум. Мён  
потрумён нан элаль ловиньтэлйн.

— Ам Анъя павылт самын патсум, амки опарищ намум Гоголева олыс. Сартын павлувт мән ныврамыт ханищтан школа олыс, ос ётыл мот павлытын тотыглавесүв. Кульпас, Светлый ос Ягрим павылт ханищтахтамум сис интернатт олсум.

Саранпавылт аквум олы, тав палтэ апщиягум ёт мүйлуңке ёхталасум. Мән иң мәниг олмувт омав атимыг

ёмтыс, аквув манава акваг нётыс. Тавён ань яныг пумащипа латың лавёгум. Тав наме Нина Григорьевна Захарченко, тав сав тал лёккарыг рупитас. Ань пенсиян патхатас, юн колсори рупата вәри, нас ўшлахты.

Школат нёлолов класс асламум юи-палт тара элаль ханищтахтуңке минасум. Хурум тал Ялуторовск ўст маснут юнтнэ хотпаг ханищтахтасум ос тувыл За-

волоуковск ўсн рупитаңкв кётвёсум. Та ўст фабрика олыс, тот сыресыр маснутыт юнтсүв. Та порат план щирыл рупитасүв, савнүв маснут юнтэгын ке, ёмас. Тонт «Джуки» юнсхатнэ ёмас машинат олсыт, сётапыт мори нэмхоталь ат тагапалсыт, ат маныгтахтасыт.

Тувыл ос мотмөт мят мощ олсум. Хальўс районын ювле ёхтысум, тот кит тал Приполярный павылт КБО колт рупитасум. Та юипалт Миасс ўсн хурум талн ялсум, тувыл уш Саранпавылн ёхтысум ос тыг та олмыгтасум.

Тыт өвлөт садикыт ныврам ўрнэ хотпаг рупитасум, ань пўльницат рупитаңкве патсум. Пенсия-олн винэ магыс эрнэ нэпаканум пуссын щёпитасанум. Трудовой нэпакумт төва печать-посыт люльсаң нәңкёгыт ос тасавит мят яласасум. Пенсиян миннэ порам хунь ёхтыс, ам тув пищмат хансыгласум, тахольт нэпаканум ювле та ёхтысыт. Ань пенсия-

олнанум эрнэ торыг ойтает.

Ойкам наме Константин Хозяинов, тав Саранпавылт олнэ хум. Мән тыт мәнки кол оныщёв. Субсидия-олныл мощ нётыглалвесүв кос, ос савыңпалэ мәнки ёрувтыл колув ўнттыслүв. Константин каңканэ ос аще манава нётсыт. 2008 талт йильпи колн вантлысүв.

Анъя павлумн ватихал ялантәлэв, тот Щёрки апщим олы. Ам ос мот апщим пыге янмалтылум. Апщим сат тал ювле хульгум порат атимыг ёмтыс, тав ат тал яныт пыге хультыс, тав амки палтум вислум. Ань апгум китхуйплов талэ төвлыс.

Тох та өлэв. Ань рўтанумн, аңум ванэ хотпатн яныг паща латың кётэгум, пустагыл вос өлэгыт ос олн сэлнэ ёмас рупата вос оныщёгыт.

Мән ос ёмас сымың латың Светлана Александровна лавёв, пус кат, пус лагыл, Төрумн, Най-Отыранылн ургалым вос өлэгыт.

**Тамара МЕРОВА**

## Ущтин Ващка урыл

Лопың я ватат,  
Люлиң вөр кивырт  
Лопмус павыл ўнлы.

Ты павылт Ущтин Ващка  
Самын патыс.  
Оматэн нёвитавес,  
Атятэн нёвитавес.

Тав кәркам пыгыг яныгмас,  
Тав вёщкат пыгыг яныгмас.  
Мәнътәгыл вөрүй алыс,  
Мәнътәгыл хүл алыс.

Тащирыл олүңке  
Ащён ханищтавес.  
Саңквылтапыл ёмас ёнгыс,  
Эрыг эргыс, ййкв ййквыс.

Щёмыяңыг ёмтыс.  
Тох та олыс, тох та щунис.  
Илтгыт хонтлын вәрмалё ёмтыс,  
Ущтин Ващка ат рохтыс.

Тав лавыс:  
«Ам хонтлын мән минёгум.  
Эри щёмыям нөх-паттуңке,  
Эри мир нөх-паттуңке».

Хумус лавыс, тащирыл варыс.

Ващка ойка минас хонтлуңке.  
Нила тал хонтлын мят олыс.  
Вортыпал өщнэ катэ  
Хонтлын мят хот-сакватавес,  
Госпитальт тал-охса өщвес.

Төрумн, Отырн нётвес,  
Лылың тагыл юв та ёхтыс.

Юв ёхтыс, ат ўнлыс,  
Эрыс рупитаңкве ос олүңке.

Салы ўрнэ мят пиркатирыг  
рупитас,  
Павлыт олнэ махманэн нётыс,  
Таимагыс махманэн  
Сака эруптавес.

Ам опатем хот ат ёрувлылум,  
Тавён пумащипа латың лавёгум.  
Тав те ат олыс,  
Ам ань хунь олсум.

**Ольга Владимировна  
ЛЕЛЯТОВА**  
опатэ урыл хансум  
стихе



## КҮЩАИТ РҮПАТАНЫЛ

## Олнэ мавт хот үщлахтуңкве рөви

**М**ощ мөлтынув туризм тэлат  
 Мёт рупитан күщаит «Югра»  
 намба РИЦ колн вöвыглавёсыт.  
 Туризм вәрмалит тара-паттын магыс  
 промышленность департаментыт  
 күщай вañын хум Дмитрий Савватеев,  
 «Югра-Трэвел» намба колт рупитан  
 күщай нэ Татьяна Нестерова ос  
 «Юграмегатур» намба колт олнэ күщай  
 нэ Елена Мелешенкова ляххал тотнэ  
 хотпат ёт акван-хонтхатыгласыт.  
 Округун ёхталам мүй махум ёмщакв  
 үщлахтуңкве хот вөрмёгыт, тан ты  
 öвылтыт потыртасыт.

**М**ан олнэ мав са-  
 ка сөтыңыг öлы,  
 палиң вөр мат павлыт  
 ос үсыт нётнэ тұрыт  
 ляпат ос я вата хосыт  
 үнтталавёсыт. Та мат  
 хунт сассаң махум пёс  
 павланыл öлсыт.

Ма-вой ос газ хон-  
 тым юи-палт Лүимат  
 öлупсав мощ мот ши-  
 рыг ёмтыс. Сав махум  
 тыг олн сэлнэ магыс  
 ёхтысыт ос тыт öлуңкве  
 та хультсыт. Тöва пав-  
 вылквет яныг үсыг ёмт-  
 сыт, тан олнэ колыл, ха-  
 нищтан ос няврамыт  
 үрнэ колыл үнттувё-  
 сыт. Ос үщлахтын магыс  
 махум тыгыл танки ма-  
 наныл манос щарыщ  
 ватан ялантэлёгыт.

Югравт туризм ши-  
 рыл вәрнэ тэлат öвыл-  
 тыт нёмхотьют ат  
 номсахтас. Ань сассаң  
 махум пёс öлупсав сус-  
 сылтаңкве ос культурав  
 урыл потыртаңкве ке,  
 тонт округувт иильпи  
 туристический лёңхыт  
 вәруңкве рөви. Олнэ  
 мав пүмщалан магыс  
 сав мот маңыл мүй  
 махум тыг вöвыглаң-  
 кве тах патёв.

Ты тэлат ань пуссын  
 тара-паттувёсыт, ты  
 урыл Дмитрий Сав-  
 ватеев тох лавыс:  
 «2016 тал сыс округун  
 530 сөтыра мүйлын  
 хотпат ёхталасыт. Тыг  
 ань касың тал савнув

хотпа ёхталаңкве па-  
 тыс. Соссаң мирыт  
 олнэ мананылн, тан  
 öлупсаныл пүмщалан  
 магыс лов сөтыра  
 элумхóлас тув вöвыг-  
 ласүв. Мөлты талт 9  
 сөтыра 500 савит хотпа  
 савсыр хон маңыл тыг  
 ёхталасыт. Тувыл тан  
 тыт мүйлын пора-  
 ныл ман хотты ял-  
 пың хотал олнэ порат  
 щёпитыанүв.

**Т**ыи сөль, ань юи-  
 öвыл талытт сав-  
 сыр маңыл ёхталан  
 махум тэлы ман тўяг  
 «Тылащ пори», «Ўри-  
 нёква хоталувт», са-  
 лыл яласан касыл по-  
 рат мүйлэгыт. Туи тан  
 «Ворщик хоталт» ос ма-  
 янытыл сассаң мирыт  
 янытлан ялпың хоталт

мүйлэгыт. Хон маңыл  
 ёхталам тöва хотпат  
 маңхәпыл каснэ по-  
 рат танки öс касуңкве  
 кәсәщёгыт.

**Т**атьяна Нестерова  
 «Югорский сер-  
 пантин» намаим лёңх  
 урыл мощ потыртас.  
 Тан ловманкем хот-  
 пат Ханты-Мансийс-  
 кат акван-атыяныл,  
 öвлёт тананылн үсүв  
 суссылтыяныл ос элалы  
 Сургут үс сунсуңкве  
 тотыяныл. Тувыл ма-  
 хум Русскинская пав-  
 вылн тотавет, тот  
 тан ханты махум пёс  
 öлупсатыл пүмща-  
 лавет. Когалым үсн  
 ялэгыт, та үст олнэ  
 махум öлупсаныл  
 тара-паттыяныл ос  
 «Галактика» намба  
 колт үщлахтэгыт.

Ханты-Мансийскат  
 тув порат махум на-  
 иңхәпыл Иртыш ос Ас-  
 яг акван-патнэ ман  
 тотыглавет. Тув мин-  
 нёныл сыс махум сыре-  
 сыр пүмыщ ёнгиылы  
 вәрыглавет.

Мот үсыт суснэ ма-  
 гыс, автобусыл тыгле-  
 тувле тотыглавет. Ань  
 ты тэла ущты вәруңкв  
 патвес, тав «Леген-  
 ды седого Иртыша»

намтым öлы. Савсыр  
 маңыл олнэ махум  
 Тюмень үст акван-  
 хонтхатэгыт, та үст  
 мощ мүйлэгыт. Тувыл  
 Покровское павылн ос  
 Тупыл үсн тотавет.

**П**окровское пав-  
 вылт Григорий  
 Распутин самын патыс.  
 Ань тот музей öлы,  
 тöва декабристыт тот  
 öс öлсыт. Тувыл пёрна  
 пинуңкве яныг пуп-  
 колн тотавет. Уват  
 үсн минэгыт, тот ань  
 биатлоныл каснэ ма  
 үнттувес. Та маңыл  
 Ханты-Мансийскан ёх-  
 тэгыт. Тыт öс савсыр  
 пүмщил суссылтавет  
 ос тыгыл танки олнэ  
 ман ләкквә ювле та  
 миныглэгыт.

«Юграмегатур» колт  
 рупитан махум кәр-  
 камыг олнэ хотпат Нёрн  
 ялуңкве вöвыглыя-  
 ныл. Елена Мелешен-  
 кова тув миннэ лёңх  
 урыл потыртас. Тöва  
 хотпат сассаң махум  
 öлупсаныл сака пүм-  
 щалыяныл, тан Ниж-  
 невартовский рай-  
 онын хантыт палт  
 тотыглавет, стойбищат  
 тот мощ öлэгыт.

**М**ахум үщлах-  
 тын магыс ма-  
 насавит олн ойтё-  
 гыт, танки пөриёгыт.  
 Программан хансым  
 тöва касылыт тана-  
 нылн ат ке эрөгыт, тан  
 хот-вивет ос таимәгыс  
 олн ат ойтэгыт.

Нан ань нанки хот-  
 ати үщлахтуңкве но-  
 мылматэгыт те, ос  
 матыр тара-паттуң-  
 кве таңхегын ке, ты  
 сайт-лөпсыт кисхатән  
 ос ляххалыт тот ло-  
 виньтән [www.tourism.admhmao.ru](http://www.tourism.admhmao.ru). Ёмщакв  
 үщлахтән!

Тамара  
 МЕРОВА



Хурит М.С. Вынгилева, В.Д. Саратина, В.Г. Тарлина  
 ос Т.С. Мезенцева пöслым öлэгыт. Тан 2014 талт  
 вöртур этпост Октябрьский район Шеркалы  
 павылн ялсыт. Тот мащтырлан наكانыл махумн  
 суссылтасаныл.



# Мирн вāнэ мāньщи поэтүв стиханэ

**М**ирн вāнэ мāньщи поэтүв стиханэ  
Әлалъ ловиньтән Поэма өвлэ №12, №13  
газетагт хансым өлэг.

## Сāтыт эрыг

Әлы-пāлумт  
мōтпал хōн хум люли.  
Ам нуплум тав сунсы  
вōр мēңкв холът.

Эрттам  
лāвнэ лātнум щар ат хұлы.  
Эрттам  
щармат сунсы  
ёнгын утрищ лялт.

Ам лүй хум.  
Сōль, ам карыс āти,  
Нярыт люльнэ тарыг холът  
ам мāнь.  
Тыкос лүй тэлы хōтал вāти —  
Олнэ нотум оныщи өлнэ ань.

Лүй вōтын яңк холът  
янмалтавёв,  
Ёрыл мивёв лүй ащирман,  
Войкан тўя этын аниглавёв,  
Нёвитавёв сымың лүй мāн.

Толуңкв эри — молях толаёгум,  
Хумус рёгың витыт толы түйт.  
Кантмалтылын —  
яңкыг ёмтапёгум,  
Нāил хораёгум карыс суйт!

Яңкың мākвет эри яныг ұля.  
Сунсән, сунсән āхвтас  
Самум лялт!

Сунсән, сунсән, аялыма суля,  
Мана нāйкве хорги  
Коммунистат палт!

Мōтпал хōн хум карыс  
Мēңкв холът люли.  
Мēңкв холът сунсы  
капиталиста сам.

Туп ам сымум мирум сые хұлы,  
Яныгманэ ййв холът  
яныгмёгум ам!

## Нёлоловит эрыг

### Ўлум

Сымум щармат касайн  
яктапавес,

Щармат сёмыл хулахн сыпгавес,  
Сымум поргыс,  
Сымум āгмың олыс,  
Щармат āщум манос  
щāнюм холас.

— Āти!  
Сымум поргыс таимāгыс,  
Таимāгыс номтум сагыс —  
Ты эт эткве палыт алам юссум,  
Ты эт эткве палыт ўлум суссум.

Аквтоп аюм мāхум капыртасыт,  
Сāвсыр урыл мори поргыгласыт,  
Колкан тармыл куринька холът  
ёхсыт,  
Ам нуплум тāн мори рōхсыт:  
«Мāн аялэв! Аялэв! Ос! Ос! Ос!  
Мāн туритэв! Аялэв! Наң ос?».

Тувыл касай мāгыл сāлаялыс,  
Йснас лүпта сāңлатāлыс,  
Лющсуй, рōхсуй, эрыг суй,  
Тōргыс Тōрум, поргыс суй,  
Китхал-патыс мā-вит уй...

Сымум сака āгмың олыс,  
Щармат тының щāнюм холас,  
Щармат мирум китхал-патыс,  
Нāил ёнгасаңкве патыс,  
Аквмат мāt нēглыс хōнт,  
Сымум ратгалтахтыс тōнт.

Итъя лув холът нāйкве порги,  
Кāсың колыт нēлме хорги,  
Тав хōт мины — хульты щари,  
нēгылты посым, āгум вāри.

Вильтыт сови хартхатёгыт,  
исхорыт самын патапёгыт,  
Щуни āгум, щуни мос...  
Кёлпыл ови кāсың ўс.

Сымум āгмың олыс тōнт:  
Щармат ос нēглыс хōнт.

Āти! Āти! Ат таңхёгум!  
Ам эруптёгум  
рёгың хōтал, лылың хўлкве,  
атыр эт,  
войкан вильтуп хуриң нэт,  
лунтыт рōхсуй,  
хāльрищ тов,  
Сымың суиң эрыгсов...  
Тыи пуссын эруптылум!



Хōнт? Кёлуп?  
Āти! Āти!  
Мā мир китхал  
Хуньпыл паты!

Āти! Мирум алам сака ёр:  
Нōх ке люли —  
ёлын хульты Нёр,  
Мāкемт алам йильпи хōтал тэг,  
Мирум сымёт щасги  
Ленин рёг.

Атыр Тōрум, посың эт...  
Хумн товлавет хуриң нэт,  
Мāкем хосыт уи щунь...

Аюм мāхум,  
кёлуп, хōнт,  
Сёляң-нāлың патроныт,—  
Сумп ўлумт вāсанум.

Тамле нак тэлы хунь! —  
Мана щунь, мана щунь!  
Щар ат тэлы тамле нак!  
Мāкем хосыт уи щунь:  
Щунь! Щунь! Щунь!

## Онтоловит эрыг

Хōнха лāви: мирум холы,  
Мирум тўя яңк холът толы,  
Овумлаве нарың витыл,  
Тув-поляве кёрың яңкыл,  
Лопсиң түйтыл лап-тотаве,  
Тōрум өлнэ суиң наме  
Нёлмың вōтын ёрувлаве?



Хоңха лави? Хоңха лави?!  
Лашал, лашал: ул косхатэн!..  
Ўля нёлмытт — толы яңк,  
Сәграп нёлмытт — паты нәңк.

Яңкыг варапаве вит  
Пөлям кәтуп аширман.  
Ам — яңк хунь, ам — вит хунь!  
Төрүм өлнә элумхөлас —  
Хуньт ам ос пинавем мән.

Ати! Ати!  
Наскәссыг хунь самын патсум,  
Наскәссыг хунь ёмыгтасум  
Суиң әргуп мәкем хосыт!

Ати, ати!  
Виткве осыт толы яңк,  
Сәграп мәглытт паты нәңк,  
Уля нёлмытт толы яңк.  
Ам элумхөлас!  
Толәгум хунь!

Сымум өньщи мот шуңь:  
Нёлың лёмуйт алнэм мус  
Патәгум өлуңкв,  
өлуңкв, өлуңкв!

Полщиң кәсэвт кивтнэм мус  
Патәгум өлуңкв,  
өлуңкв, өлуңкв!

Мирум ёмас мастын мус  
Патәгум өлуңкв,  
өлуңкв, өлуңкв!

Пыгум этпосн миннэ мус  
Патәгум өлуңкв,  
өлуңкв, өлуңкв!

Агим лов кой өщнэ мус  
Патәгум өлуңкв,

өлуңкв, өлуңкв!

Мирум сөтэ овнэ мус  
Патәгум өлуңкв,  
өлуңкв, өлуңкв!

Номтә әргумн вәрнэ мус  
Патәгум өлуңкв,  
өлуңкв, өлуңкв!

Соль ке тох —  
мирум хуньпыл холы,  
Паты өлуңкв,  
өлуңкв, өлуңкв!

Соль ке тох —  
әрге хуньпыл толы,  
Паты уюңкв,  
уюңкв, уюңкв!

Матал мат ма мир өлнэ нотә  
Паты элаль товуңкв, товуңкв!

Соль ке тох —  
ты йис әргум номтә  
Эла йис мир  
паты коюңкв, коюңкв!

Соль ке тох —  
эла йис мир келпыт  
Келуп тарсыл нёвумтәгум!

Коммунизма хөтал ёлы-палыт  
Ма мир шуңиң,  
хольгын сымытт  
Лылың келпыл овумләгум,  
Нотың әргыл олмаәгум!

Вос кос вәри яныг турап —  
Ты йис өлнэ маныщи хурип!  
Аквты хурип, аквты хурип!

Вөраян хум самум сунсы,

Сымың хөтпа палыт нюнсы,  
Щармат лав ат вәтал нйврам.

Вёщтал лёль хум элы-палыт  
Ёмтапәгум щармат сәграп,  
Манос сымум ахвтасыга  
Ёмты лёль сам элы-палыт!

Ам — сөрни хөтал,  
Пөлям яңк,  
Яныг ахвтас,  
Тәлнэ нәңк,  
Элумхөлас! Элумхөлас!

Яныгсәт щёс нёвумтәгум  
Элаль өлнэ мир сымытт.  
Нёвумтәгум, нёвумтәгум,  
Нёвумтәгум!

Яныгсәт щёс тыламләгум  
Элаль өлнэ мир номтытт.  
Тыламләгум, тыламләгум,  
тыламләгум!

Яныгсәт щёс суюмләгум  
Элаль өлнэ мир әргытт.  
Суюмләгум, суюмләгум,  
суюмләгум!

Яныгсәт сёс тәләәгум  
Элаль өлнэ мир какрытт.  
Тәләәгум, тәләәгум, тәләәгум!

Соль ке тох —  
әргум хуньпыл толы,  
Паты өлуңкв, өлуңкв, өлуңкв!

Соль ке тох —  
мирум хуньпыл холы,  
Паты өлуңкв, өлуңкв, өлуңкв!

1962 тәл



## Тав мәщтыр хөтпа олыс

Лүпта этпос 24 хөталәт Хальүс район Лопмус павылт мәныщи хум **Александр Владимирович Хозумов** атимыг ёмтыс. Тав өвылтытэ мән тынакт «Луима сәрипос» (№12) газетат хансыгласүв. Ханты-Мансийск үс пүльниңан ёхта-лас, кит сәттем пусмалтахтас, тувыл лёккарытын юв тәртвес. Юн махманэ ёт вәщинтахтас, мощ олыс, лылытэ та оигпас.

Саша ос Шёрти юртың нйврамыг олсыг, ойттур этпос 17 хөталәт 1960 тәлт самын патсыг. Тән колтагланыл өвләт Пуписум павылт олыс, Лопмусн ётыл ущ олмыгтасыг. Пуписум — ты Ущтин опаныл тав олум павлэ. Атятән Владимир Устинович, ома-тән

Елена Константиновна хөт нйврам янмалтәлсыг.

Александр Владимирович школа әстламе юи-пәлт армият лусытас. Юв ёхтыс, нә тотыс. Тамара экватәнтыл нйвраманән янмалтасыг — кит пыг, хұрум аги. Тав өлме палыт хұл алыщлас, вөраяс. Әрнә пормасыг вәруңкв хәсыс — мәнхәпыт, ййвхәпыт, саранхәпыт, ёсат, суныт та маныр пуссын мәщтырлас. Саша пёс йис потрыт, мөйтыт вәс, нйвраманэ ёт акваг мәныщи ләтңыл потыртас.

Мән, газета вәрнэ махум, тав рүтанән сәлитан латың лавёв. Там-ле ёмас, мұтраң мәныщи хөтпав Пупыг-хульгыг та ёмтыс.

**Редакцият рүпитан махум**



## СОССАҢ МИР КУЛЬТУРА



Иртыш Я ватат

# Үсүвт соссаң павыл үнттувес

**Т**ы этпос сатыт хөталәт Ханты-Мансийск үс мирколт рүпитан махум, ляххал хаснэ хөтпат Иртыш я ватан вөвыглавёсыт. Тот соссаң мир павыл үнттыма, таве суссылтан магыс тән пуссын тот та атхатыгласыт.

Ты павыл ханты намыл пинвес — «Вэнт корт», руш ләтһыл те толмашлаңкв — «Лесная деревня», мәнщи ләтһыл — «Вөр павыл». Тув ёхтум мүй махум Олег Шатин лялът хөнтсанэ, ты ойка округ «Союз общин» кұцаиг рүпиты ос «Колмодай» намба община оныщи. Ты павыл үнттын магыс тав округ миркол палыл олныл майвес.



Ты урыл тав тох потыртас: «Мән намыл тамле павыл тыт үнттыслүв. Тыг ёхталан хөтпат пұсасув тиврын шалтнэныл юи-палт вос номсэгыт — мән павлың мән ёхтысыт. Тән тыт хұл алышлаңкв вөрмёгыт, хұлп үнттуңкв, няслуңкв. Хотьют матыр мащтырлаңкв те таңхи, тыт янас кол олы. Тот мащтырлаңкв рөви.

Я ватат хұл йсмит пайтуңкв рөви. Аквта ляпат Малая Неулева намба посал овты, тот сорт хұл, сымри, щәпақ, тұрхул ос хулюмхул пувуңкв рөви. Хотьют тыг акв щёс ёхталы, тав иң сав щёс тыг ёхталаңкв паты».

Өлнэ колыт, пувлын колыт, пуссын маныр эри, тот үнттумат. Щар яныг кол тиврыт аквпал ёрёт каснэ кол олы. Тав выгыр

каминьт утыл нортыма, тот пёршункв кәсащан хөтпатн ёмас пёршункв паты.

Тамле ты павыл яныг үс ляпат үнттувес. Соль, тот сака ёмас. Тәләтуве сыс тот махум мүйлуңкв вөрмёгыт. Тәлы Ащирма Ойка (ты Дед Мороз) магыс павыл щёпита-ве. Няврамыт магыс тахсын сып вара-ве. Ос хотьют товтыл хайтуңкв таңхи, тав олн ойттал товтыл миве.

Дмитрий Савватеев, туризм щирыл рүпитан хум лавыс, элаль туристыт ты павлыл сака пұм-щалахтуңкв патёгыт. Тав үс ляпат үнттувес, соссаң махум өлнэ колыт ос сұмъяханыл пуссын тот өлэгыт. Ты элы-пал талытт, хунь сав турист хөтпа ёхталас, мәнщи ос ханты олупса тәна-нылн суссылтан магыс тән мән павлың мән тотыглавёсыт. Ань элы мән тотуңкв ат эри, матъё-мас пуссын ляпат олы.

Та хөтал мәншат агиянув-пыганув сав пұмышт тот суссылтасыт — тән ййквсыт, пёрщисыт, тулыглахтасыт. Ётыл мүй махум пуссын нярхулыл тыттувёсыт, хұл исмитыл пинвёсыт. Тәна-нылн тот сака мұстыс.

**Валентина ВАСИЛЬЕВА**

**Лұйма сәрипос**

(Северная зоря)  
№14 (1152), 20.07.2017

**Соучредители**  
Дума, Правительство  
Ханты-Мансийского  
автономного округа – Югры  
**Издатель**  
Департамент общественных  
и внешних связей Ханты-  
Мансийского автономного  
округа – Югры

**Редакция**

Главный редактор –  
**Решетникова Р.Г.**  
Телефон (3467) 33-36-82

Заместитель гл.редактора –  
**Кондина Г.Р.**  
Телефон (3467) 33-22-72

Ответственный секретарь –  
**Узель В.В.**  
Телефон (3467) 33-23-09

**Адрес редакции и издателя:**  
628011, г.Ханты-Мансийск,  
ул.Комсомольская, 31  
тел./факс (3467) 33-17-52

**E-mail:** [gazeta@khanty-yasang.ru](mailto:gazeta@khanty-yasang.ru)  
Газета размещена на сайте  
[www.khanty-yasang.ru](http://www.khanty-yasang.ru)

**Отпечатано:**  
ООО «Новости Югры-  
Производство» г. Сургут,  
ул. Маяковского, д. 14.

**Подписано в печать:**  
по графику 20.07.2017 г.  
в 9.00.; фактически  
20.07.2017 г. в 9.00.  
Индексы **04399, 54399**  
Тираж **1750 экз.**

Заказ **446**  
Цена свободная  
Мнение авторов  
публикаций не  
обязательно отражает  
точку зрения редакции.

Газета зарегистрирована  
Управлением Федеральной  
службы по надзору в сфере  
связи, информационных  
технологий и массовых  
коммуникаций по Тюменской  
области, ХМАО-Югре и  
ЯНАО.

Свидетельство о регистрации  
ПИ №ТУ  
72-00795 от 23 января 2013г.